

Headline	Tidak cukup wang ke Tanah Suci		
MediaTitle	Sinar Harian		
Date	08 Jul 2019	Color	Full Color
Section	Nasional	Circulation	140,000
Page No	35	Readership	420,000
Language	Malay	ArticleSize	143 cm ²
Journalist	N/A	AdValue	RM 3,032
Frequency	Daily	PR Value	RM 9,095



Tidak cukup wang ke Tanah Suci

TANAH MERAH - Hasrat seorang warga emas untuk menunaikan haji bersama ibunya, Hazimah Ahmad, 76, mungkin terpaksa dilupakan walaupun terpilih ke Tanah Suci tahun ini menerusi Lembaga Tabung Haji (TH).

Che Hasnah Ismail, 62, berkata, peluang itu amat dinantikan namun dia kesempitan kewangan dan tidak mempunyai perbelanjaan mencukupi kerana tiada sumber pendapatan tetap atau wang simpanan.

Menurutnya, kehidupannya hanya bergantung kepada simpati adik-beradik dan ahli

keluarga lain.

"Saya bersyukur dipilih menjadi tetamu ALLAH tahun ini, namun keadaan sumber kewangan yang tak mencukupi menyebabkan hasrat saya mungkin terbantut.

"Lagipun, saya tak ada simpanan sendiri dan hanya cukup untuk belanja makan minum. Saya tak mampu tampung perbelanjaan di Tanah Suci nanti," katanya.

Che Hasnah berkata, dia berharap ada pihak sudi membantu merealisasikan impiannya dan ibu untuk ke Tanah Suci bagi menunaikan Rukun Islam kelima itu.



Che Hasnah (tengah) berharap supaya hajatnya dan ibu menunaikan haji tahun ini akan tertunai.